


T1742/4437(5)





天文觀象玩占

小光  
二十七  
二十九  
二十八

CHINESE - JAPANESE COLLECTION  
HARVARD COLLEGE LIBRARY  
DEPOSITED BY  
HARVARD - YENCHING INSTITUTE  
FEB 11 1936

祝昇氏莊存



觀象玩占卷之十七

井宿月總叙

日月變異占 月五星干犯占

客星流星彗孛干犯占 雲氣干犯占

鬼宿星總叙

日月變異占 月五星干犯占

客星流星彗孛干犯占 雲氣干犯占

卷之十八

柳宿月總叙

日月變異占 月五星干犯占



日月變異占 月五星干犯占

客星流星彗孛干犯占 雲氣干犯占

星宿總叙 彗孛干犯占 雲霧干犯占

日月變異占 月五星干犯占

客星流星彗孛干犯占 雲氣干犯占

卷之十九

張宿日總叙 月五星干犯占

日月變異占 月五星干犯占

客星流星彗孛干犯占 雲氣干犯占

翼宿 總叙

日月變異占 月五星干犯占

客星流星彗孛干犯占 雲氣干犯占

軫宿 總叙 彗孛干犯占

日月變異占 月五星干犯占

客星流星彗孛干犯占 雲氣干犯占

卷之二十

經星三垣 彗孛干犯占 雲霧干犯占

太微宮垣 總叙



月五星干犯占

客星流星彗孛干犯占

雲氣干犯占

卷之二十一

紫微宮垣

總叙

客星流星彗孛干犯占

雲氣干犯占

天市垣

總叙

月五星客星流星彗孛干犯占

雲氣干犯占



觀象玩占卷之十七

哈佛大學漢學圖書館珍藏

井宿

總叙

東井八星曰天府一曰東陵一曰天井一曰天闕  
 一曰天門一曰天渠一曰天亭一曰天候一曰天  
 齊一曰天地水星也主水泉亦為天之南門日月  
 五星貫之為中道又主酒食女主之象主諸侯帝  
 戚三公之位為天之亭侯主水衡法令之所取平  
 也三光行不由其中為天下無道雖經之不得留



之王者心正則井星正井星正而明則法度正號  
令明太盛則多風雨有大水暗小不政則國弱政  
亂動搖變色則諸侯廢戮三公受殃移徙則國亂  
君憂洪水為災鉞一星附井口第一星邊二寸主  
伺淫奢者而斬之不欲其大明大而明則鈇鉞用  
兵起動搖芒角則大臣多死於法者星亡則天下  
大水

日月變異占

日在井食雍州大旱人流千里甘氏曰秦邦不臣食

盡則謀成不盡則謀不成又曰戒之在供養之  
臣陳卓曰女主憂國內亂竒敗大行武密占曰  
陽國弱失地失盡則天下大旱

日暈于井多陰雨大風

日食在井大臣有謀皇后憂五穀傷陳卓曰國內亂  
一曰有兵喪 乙巳占曰水衡五伺之官有憂  
大臣誅食盡則兵起以日占國

日食在井鉞中人流千里

月暈于井海中占曰胡兵起郗萌曰天下有兵又曰



王者出遊來年旱後六月雨辰大赦荆州占曰  
陰陽不合一曰國有憂事兵起人流

月暈圍井四夷不和

月暈井一重四夷不和二重三重陰陽不和

月以三月暈井大水

月以建丑月壬癸日暈有大赦

月暈井及鬼其年旱禾不收

月行至井變色而青國有憂赤有兵旱白有喪黑大

水黃有風

月食行入井大風雨水為灾

月宿井而霧有水患

月行井北北夷大饑國亂

月行井南南夷國亂

月五星干犯占

月犯井刑政不平兵起人主憂乙巳占曰將軍死一

日多風雨大水為灾一曰歲荒人饑一曰水官

有黜者

月犯井左右星女主憂



月入井大水諸侯貴人多死荊州占曰有兵  
月食井內亂以日占國

月犯井鉞大臣誅斧鉞用內亂兵起有拔城流血破  
軍殺將

歲星守井法令急多獄事守之七日天下和平七日  
以上至二十日之上天下更改有水災五穀傷  
有土工一曰秦國亂其北多暴雨石氏曰木守  
井河水溢黃帝占曰大饑人疾病郗萌曰大人  
多病有憂喪一曰將相死又為旱荊州占曰道

上多死人一曰萬物不成久守之金賤易又曰  
禍成天文志曰五星守之皆為有兵喪乙巳占  
曰木留守井其國以仁致天下

木守井環繞勾己之有赦

木入井黃帝占曰有軍在外歲星進則兵退星退則

兵進郗萌曰歲星入東井一南一北侯王憂一  
曰害於黍稷又曰天下有土工川瀆之事留之  
二十日以上易正朔一曰木入井歲饑人病乙  
巳占曰木入井秦國亡武密占曰易置天下



木犯井若中乘之陳卓曰王者法令急多獄事其年大水人饑天下改令郅萌曰其國外內有兵起乙巳占曰人主有汎水之事大將惡之有內亂木乘井而守之人主有法令水衡之事逆臣為亂將軍死人主憂

木凌犯井芒角相連繞成勾己兵大起國君出走人民十死其九五星同占

木人吉井居其東五穀不成居其南國君病諸侯多死居其西水小兒多死居其北有改令

木出入留有舍井三十日天下有水非一國

木逆行井石氏曰有兵陳卓曰川壅塞郅萌曰人君

出入不時

木中犯乘守井缺鉞用大臣誅一曰賢相死近臣為

亂兵起

熒惑守井三日貴臣相戮守二十日以上宮中憂大

水滿六十日有大水魚行人道貴相死郅萌曰火守井百川皆溢石氏曰糴貴又曰天下名水有絕者大旱大人死巫咸曰萬物不成一曰天下



有軍自守一曰火守井南王后死守其西太子  
死守其北諸侯有死者久守之其分民多死

火守井三十日以上成勾己角動色赤黑貴人多死  
百川溢兵起若環繞勾己之起兵者事成

火中犯乘井有兵陳卓曰臣有以家事坐罪者天文  
錄曰天子以水敗荊州占曰兵起兵者殃後起  
兵者昌李筌曰將死却萌曰火犯井南后死與  
守同

火入井石氏曰旱其國亂有兵兵止無兵兵起大臣

當之井氏曰其國大凶米民多死石氏曰有疫

黃帝占曰牛大疫兵器貴一曰山水出海水溢

火出國失火有逃亡先起兵者不勝

火以春入井有赦

火入井中因守之天子宫中失火其國凶

火芒角疾行入井十日相死三十日君死

火入井太白隨之糴貴道上多人死

火逆行井貴人死傷有火災

火逆行井若守之成勾己天下兵起天子坐之黃帝



占曰火出北河戒行至井千一星將軍有野死  
者千二星內臣有市死者

火經井中而南出天下易主

海中占曰火行井上二丈將軍死

火行井七曜常行之道而留守之其國內亂以日辰

占何國

火出入留舍井三十日不下有破國死王

火犯守井斧鉞用大臣誅兵起臣謀主執法者死不

出其年

填星守井大旱五穀不成黃帝占曰有水石氏曰不

出九十日有赦郅萌曰有土工其氏曰有壅水

人多病一曰民饑久守之金錢易守其陽旱守

其陰水國君死以入曰占國守之二十日兵起

六十日國破

土舍井黃帝占曰有賜爵者留三十日不行人灾

土入井石氏曰大人憂荊州占曰天下無主天文錄

曰兵起東北土入井居其中旱出之乃雨

土入井行陰為大水五穀不成



土逆行井女主不能奉祭祀

土出入留舍井三十日不下石氏曰水大出入流死

土六十日不下兵起有破國死君

土守井犯鉞星王者惡之一曰大臣誅兵起

太白犯井海中占曰人主浮船石氏曰將軍惡之乙

巳占曰太白中犯乘井皆為國內亂兵起

太白入井石氏曰國失政大臣為亂兵大起天子以

兵自守郗萌曰先起兵者敗天下大水荊州占

曰將軍有戮死者又曰政急民流諸侯舉兵一

曰臣有謀上者大臣當其灾

太白入井中流二十日以上天下改政一曰六畜疫

兵大起

太白守井黃帝占曰水灾一曰糴貴將相死兵起石

氏曰旱巫咸曰君失政大臣為盜有誅者大人

急之一曰萬物不成有火灾郗萌曰兵起東南

石氏曰太白守井十日不下大人坐之三十日不下

神水出歲多土工郗萌曰太白守井一東一

西一南一北男不得耕女不得織



太白凌犯乘井而守之大將誅兵起

太白逆行井有叛臣國易政兵大起秦地大殃

金犯守井鉞斧鉞用大臣誅國內亂兵起

辰星入井天下水災春秋文曜鈞曰蠻夷君有死者

邊兵起期不出其年一曰有亂臣馬貴星進則

星進星出退則兵起

火入井中守之天下易政

辰星犯井馬暴有貴反臣石氏曰刑法不平歲大惡

郗萌曰胡兵起天文錄曰辰星進則兵進退則

兵退乙巳占曰水犯守井角動色赤黑為水起

兵色黃潤天子有喜令色惡大人憂

水守井黃帝占曰大水百川皆石氏曰歲旱早晚水

又曰法臣相戮一曰胡兵起春秋感精符曰辰

星守井去之七寸守七日以上至十五日天子

殺大臣郗萌曰五穀萬物不成金賜易一曰五

穀霜死歲大惡其分尤甚一曰其國大人惡之

水出東入東井有亂臣

水逆行入井天下名水有絕者



水常期不朝東井五穀不登

辰星犯守井鉞斧鉞用大臣誅兵大起水災穀不成

客星流星彗孛干犯占

客星入井水旱為災秦地喪亡一曰外邦有使來獻

食物者一曰五穀不成糴大貴一曰有陂隄若

水事一曰有水敗道路不通邾萌曰君失政臣

為亂大人當之一曰宮中憂火荊州占曰貴人

死多竒令火神從天下妖祥自地出多失火黃

帝占曰客星入井留十日成勾己有瀆罪之令

客星犯井國有大土工小兒妖言一曰國亂兵起

荊州占曰其國有兵大臣誅期八十日又曰貴

人憂多火災邾萌曰百川溢一曰有客以水令

來言者天文錄曰五穀不成糴大貴

客星出井宮中火起大臣為亂兵大起將軍憂有白

衣自立者尋破不成一曰大水石氏曰有旱蟲

生人多病一曰貴人死巫咸曰貴人之女有懷

子而化為水者邾萌曰多火災一曰百川溢男



女不得耕織

赤星守井若入之貴人有疾一曰有於誅者宮中有憂

黑星守井若入之大水有水令

客星經井而過天下名水有絕者

客星守井鉞斧鉞用大臣誅一曰有兵將軍為外兵

所擒士卒多傷死以星所居及其出之南北及

其日辰占國

流星入井水與成平天文論曰有使從外來言水兵

事武氏占曰其分餓民多死乙巳占曰其國以

水亡期三年

流星出井其所至國大水武密占曰天子有水事于

乙巳占曰名水有絕者

流星犯井大臣誅其國有兵期百八十日

乙巳占曰流星占而光衝犯井有大使至主大

憂春夏犯秦地亂百川溢秋冬犯宮中憂人多

死魚鹽貴

流星色赤黑出入井其地有水民流亡

流星出柳入井天子浮舟



彗孛出井有奸臣在君側其國大水兵大起軍在外  
則有戰有死將其國大人死三十日不沒將當  
之四十日不沒相當之七十日不沒君當之都

萌曰彗孛出井兵起國亡

彗孛犯井其國有兵大臣誅期百八十日武密占曰

宮中有亂秦地兵灾國易政

雲氣干犯占

青雲氣出井大如井口上拂參而行入河中大水沒

城國期二十日遠三十日

黃白雲氣入井有客來言水澤之事

赤雲氣入井大水不則疾疫亦為旱

蒼白雲氣入井有喪女主惡之

蒼白氣出井有水令人井民大疫

赤氣出井天子以水行兵

黃氣出井天子以澤泉之利養民

黑氣入井民疾病多死喪天子天下大水道無行車

白氣入井大雨水

赤氣入井一日水賊起



恒以正月朔夜後侯東井上中下有雲氣潤澤則其  
白庶歲多潦雨水

漢桓帝永壽三年四月戊寅熒惑入東井口中占曰  
黃唐大臣誅后二年四月大將軍梁冀以罪誅

晉惠帝永康二年二月太白出西方逆行入東井占  
言曰曰國失政大臣為亂是時齊王冏兵起討趙王  
言曰倫滅冏擁兵不朝專權淫奔明年誅死

太安二年七月熒惑入東井是歲冬成郭都河間  
王攻洛陽八月長沙王奉帝出拒二年王兵起交關下

永興二年九月歲星守東井占曰有兵井秦分是年

荀晞破公師蕃張房破范陽王虓關西諸侯攻

河間王顥顥走東海王迎殺之其長四星皆其

孝武帝寧康三年六月癸卯太白犯東井占曰秦地

有兵太元元年符堅破涼州

有鬼宿占其地主其中失占曰曰曰曰曰曰曰曰

是主蘇總叙

鬼四星曰輿鬼一曰天目主視明察奸為朱雀頭眼

一曰天鈇鑽主誅誅殺一曰天廟主祀事一曰



天訟一曰天貴一曰天墮主疾病死喪土星也  
其中為日月五星中道其東北星主積馬東南  
星主積兵西南星主積帛布西北星主積金玉  
有變則占其所主其中央色白如粉絮者謂之  
積尸氣一曰天尸主死喪祠祀亦曰鈇鑕主刑  
罰主誅斬天尸如雲非雲如星非星見氣而已  
不欲其明明則鬼害人多病死其外四星欲其  
明明則五穀不成不明則民散移徙則政急民  
愁動搖則役則重其殃為君死國亡連年水害

鬼質欲其不明則安民則兵起臣謀主民流亡  
動搖則疾疫兵水之灾並起人死如麻甘氏曰  
積尸動搖失色則疾疫大起鬼哭人荒

日月變異占

日在鬼食國有大喪天下不安一曰皇后貴人憂一

曰秦國君當之

日暈于鬼其分有兵武密占曰大臣誅不則有廢黜

者一曰有大喪

月在鬼食貴人憂一曰后有憂不出一年武密占曰



大臣有誅者天下不安

月暈于鬼石氏曰忝貴三倍海中占曰大旱荊州占

日暈曰有兵不戰一曰其分旱粟大貴一曰歲惡多

霧電霜雪多死人月以夏三月三暈鬼大雨五

日去穀不成在月初月以正月上旬暈鬼有赦期三

十日

郗萌曰以一月兩暈鬼多死人

月以夏三月暈鬼多大霧電多雨水有虫灾一暈為

寒再暈小水三暈大水水五穀不成

月以四月七月十月暈鬼中出氣皆為人死東行老

人南行為丁壯西行為老嫗北行為年少皆期

月以九十月一曰月以正月上旬暈鬼有大赦一歲

再暈鬼亦有赦期百八十日

月宿鬼而霧有兵戰主人不利

月身更女月五星干犯占

月犯鬼民疾疫郗萌曰兵在外將死一曰大臣誅國

有憂武氏占曰貴臣女主憂天下不安諫臣憂

月犯天尸亂臣在內陳卓曰國內亂大臣誅一曰秦



月入鬼人主憂財寶出一日人死多病從南入為男  
月食鬼女主憂貴人死有大喪謀臣憂糾彈之官有  
月食天尸其分兵喪土工起鉄鑽

月犯鬼西南星布帛貴有錢令犯西北星金玉出犯  
東北星馬多死犯東南星兵大起  
歲星守鬼巫咸曰天子賜諸侯金玉錢帛石氏曰人

主有祭祀事却萌曰五穀傷民饑民人主以命  
中人多病枉死者天文論曰外邦諸侯有來朝  
者  
木守鬼十日以上金錢大出  
木守鬼西南星五人以上秦漢之地有反者海中占  
曰木守鬼出其北旱出其南多雨水五穀熟出  
其左右貴親坐之又曰木守鬼居東北麻豆成  
居東南豆成麥熟居西北黍稷不成居中央歲  
凶乙巳占曰木入鬼守之十日以上令諸侯於



期六十日若一月

木入鬼相黜或貶死巫咸曰木入鬼留十月以上金

錢大散石氏曰木入鬼大臣誅一曰亂臣在內

又曰國有喪有妖言小人在位天子失御

木入鬼食天尸石氏曰天子死者太半王者疾疾有

木入兵又曰國有太喪諸侯大臣有戮死者荊州占

曰亂臣在內者外兵有屠城一曰在丑月則灾

甚

木逆行鬼其君不聰明用度無節石氏曰木逆行鬼

出其南男子灾出其北女子灾出其在左右貴

人灾出其中天子當之若逆行入鬼犯食天尸

災則有大兵鈇鉞用大臣誅天下有積尸若在十

二月其灾甚大一曰木逆行守鬼色怒者先憂

後喜

木犯鬼穀傷人饑王者以疾終近布帛發布帛近金

玉發金玉近馬發馬近兵發兵犯約七寸守約

木留三日他准此

木去五諸侯入鬼世侯世子有死者期六十日去高



木去天八鬼大人死不出百二十日  
木留舍鬼處其東北麻豆成稻不成舍其東南豆麥  
成人有暍死者舍其西南天下多死喪舍其西  
木北黍稷成麥不成早蚕惡晚蚕吉黃帝占曰木  
處鬼南有易君北易相處西老人死一日妊婦  
多死

熒惑犯鬼黃帝占曰女主失勢一曰國有喪大臣誅  
甘氏曰執法者戮荊州占曰忠臣戮死不出一  
年石氏曰旱多大灾大臣憂一曰女喪大將死

### 兵起

火入鬼大賊在大人側一曰有兵喪金玉用有大赦  
黃帝占曰財寶出物貴天下大疫

火入鬼犯天尸甘氏曰天下兵起大戰流血有沒軍  
將死三十日不下有大喪人流王死者太半期

### 大舍三年

黃帝占曰火入鬼中留二十日以上兵起大戰  
多死者仍有大疫

石氏曰火入鬼中五日后死七日相死四月國



君死

巫咸曰火入鬼將相有誅死者一曰有內亂兵

大起有屠城北骨滿野

火舍鬼君疾病人疫應在衡郗萌曰風雨不時多霜

雪舍西北妊婦多死舍其中小兒多死人多病

火入頭目痛舍東北長年多死有大水舍東南老人

多死

火出入留舍鬼五十日不下國水傷有害邑

火守鬼黃帝占曰女主病留十日諸侯王大大夫當之

火留二十日太子妃當之東去病在乳竅不利南

去病在頭西去病在手足北去病在陰又曰火

火出守鬼東南七日少年病手十日老人病守其中

君憂郗萌曰火守鬼東北男子兵相殺守東南

民多死守西北夷狄叛有反軍守西南人主惡

之秦地有反者一曰火守鬼南有男子喪守鬼

北有女喪守北七十日天下女子疾守南七十

日天下男子疾荊州占曰火守鬼東北星棺木

貴守東南星五穀貴守西南星金錢貴守西北



星鐵器魚鹽貴皆百倍 石氏曰火守鬼貴相  
戮一曰國有祭祀事一曰天下大疫物價皆貴  
巫咸曰有兵兵罨多水灾五穀皆不成一曰有  
火灾一曰執法吏有坐罪者一曰出其南旱出  
其北水  
火守鬼已去之復還居之大國之君凶  
火出入留舍鬼勾成已至尊失宗廟期六十日若百  
八十日  
火逆行鬼有火灾自柳還至鬼人相食一曰女主不節

火經鬼中東行還守其西北角外國有逐王來降者  
火逆行犯守鬼成勾已王者惡之兵起金錢玉帛散  
出將軍有戰死者期不出其年  
火入鬼其守而中天下白衣聚土工興  
火中犯乘守天尸皆為有國大喪兵在西北有疫軍  
死將若以十二月從西來入守之則人多死大  
臣破誅他月則灾輕若環繞成勾已之國有大  
喪天子皇后皆凶兵起有赦且有土工  
填星犯鬼甘氏曰人君必有所戮天文論曰其分有



喪一曰宗廟改

土逆行犯鬼女主奢淫用財過度若女主貴戚有憂

土入鬼黃帝占曰有兵石氏曰大臣有誅者郗萌曰

天下大疫一曰有戮王南宮侯曰主謀其臣巫

大中咸曰有土土

土入鬼守之王者憂財寶出亂臣在內有干鉞乘鑽

者乙巳占曰人民多病南入為男北入為女西

土入為老人東入為丁壯棺木貴

土入鬼犯天尸王者惡之干甘氏曰皇后憂大臣誅

君有誅死者留之五十日不去天下大旱大疫

多死人棺木貴乙巳占曰不出七十日有大喪

在陽為君在陰為后在左為太子在右為貴臣

土守鬼石氏曰大人憂宗廟改巫咸曰后宫有憂天

下旱物不成土工興郗萌曰天下受賜財寶出

又曰土守鬼大疫守西南星西南病守西北星

西北病守東北星東北病守東南星東南病守

其中天下皆病郗萌曰土舍鬼中有赦

土出入留舍鬼大旱大疫布帛貴天下人多死來視



其所從入去視其所從出以言其及其之灾之  
方

土守天尸其分有積尸以八日占國  
太白犯鬼財寶出各以其星所主言之  
太白犯天尸將軍戮一曰執法者誅  
太白入鬼荊州占曰將軍戮陳卓曰兵起邾萌曰大  
人卒事歲惡婦人多懷子死者一曰亂臣在內  
兵起有屠城南官侯曰國有大喪有大戰人死  
白骨滿野無有葬者一曰天子以罪斬大臣天

下旱一曰病在女主人主憂

太白守鬼石氏曰有兵旱多火灾萬物五穀皆不成

邾萌曰太白守鬼旁女主病國有祀事民灾留

二十日以上女主死海中占曰太白出其南為

水出其北為旱

太白行守鬼成勾已環繞之國有死王大臣有戮死

太白者五十日不下民疫死大半

太白入鬼守天尸兵起將軍憂國有喪下臣謀逆石

氏曰近臣叛有廢王一曰殺大臣天下多死喪



太白舍鬼西北石氏曰婦人多兵死東北郝萌曰天  
太白下多梟死者舍鬼中左右臣有伏劔藥死者

太白與鬼鬪其下有反臣

太白出入留舍鬼久不下人多疾死國兵起

辰星犯鬼五穀不登兵起一曰隨星所主為天子以

發

水犯天尸貴臣有罪死兵起

水入鬼貴臣憂執法者誅有水灾郝萌曰兵起將軍

憂人多死大人卒事荊州占曰亂臣在內兵起

有屠城陳卓曰蠻夷之君有誅一曰大臣有謀

人主憂財寶出大臣有誅死者

水入鬼食天尸君與貴臣俱憂民大疫視其出入與

土金同占

辰星守鬼天子不恭祭祀五穀不成人多疾疫民饑

流亡國多誅殺一曰人多耳目疾大人有殃天

下多兵死者

海中占曰水守鬼出其南火出其北旱

郝萌曰水守鬼三月后夫人病二十日太子妃



病十日諸王夫人病

辰星守鬼西南秦蜀有反臣兵起

辰星守鬼大水蝗虫起守十日以上侯王有誅者

辰星之鬼天下有瘟病

客星流星彗孛干犯占

客星出鬼巫咸曰其國有憂出其南為君北為女君

左為太子右為少子石氏曰有盟詛鬼神司祀

之事于國外

客星入鬼石氏曰有盟詛祠祀之事于國外夏氏占

曰王者亡天下人多病郗萌曰多死喪人相食

一曰鈇鉞用大人臣誅人主有大憂巫咸曰客

星入鬼居天尸南男子多死居其西老人多死

居其東丁壯多死居其北婦女多死居其中兵

起天下人多死兵起馬魚鹽價百倍

客星犯鬼甘氏曰國君非次自立者必敗亡天文論

曰其分君憂金玉貴天下大疫人多死犯四星

隨其所主為天子所發

客星守鬼石氏曰秦國有奸臣欲危其主巫咸曰人



君大人有大憂甘氏曰國有大喪守之五十日  
不去兵大起將軍戰于野有死者期不出一年  
郗萌曰客星守鬼多土後牛馬貴有更改之事  
民不得耕織荊州占曰守東南穀貴守西南星  
金鐵貴守西北星魚鹽大貴一曰貴星守鬼天  
下有喪陽為君陰為臣后左為太子右為貴臣  
又曰客星守鬼西若從西入老人死守鬼東若  
從東入少壯死客星居鬼中天下棺木貴人主  
惡之

流星入鬼國有宗廟祠祀事外邦來貢

流星入鬼質大人憂一曰臣有戮死視者星大小言

其人

流星犯鬼天子威政斬奸春夏政不明秋冬犯天子

多疾病

流星出鬼天子使出外有宗廟祠祀死喪之事

黑星出鬼所之地多病入鬼秦人多病

流星交抵鬼中國與西南夷交戰

奔星有光如火散行鬼上下大臣受賜期六月



彗孛出鬼名曰喪棲有大兵大疫積尸暴骨不出三年  
彗孛犯鬼國內亂天下兵行有大喪

雲氣干犯占

黑氣入鬼大人后憂皆有皇后憂

白氣入鬼人疾病

黃氣入鬼有土工

赤雲氣入鬼大旱有火災

漢景帝四年七月癸未火入東井行陰又以九月己

未入與鬼戊寅出占曰為誅伐又為火災後二

年有粟氏事其後未央東闕災

武帝建元六年熒惑守輿鬼占曰為火災有喪是歲

高園火災竇太后崩

明帝永平十三年閏三月丁亥火犯輿鬼質星占曰

為大喪質星為大臣誅其年十二月楚王英坐

謀逆自殺

和帝永元十六年七月庚午辰星在輿鬼中占曰為

死喪後一年帝崩

安帝永初三年六月癸酉太白入輿鬼占曰將凶其



後中郎將任尚坐贓棄市

順帝永和三年八月甲寅辰星入輿鬼是歲征西將

時帝軍馬擊西羗父子俱戰沒

桓帝延熹七年八月庚戌熒惑犯輿鬼質星八年二

月大僕南鄉侯左勝以罪賜死其弟中侍上蔡

侯棺北鄉侯黨皆自殺又荊州刺史芝之等坐

為賊所拘畧桂楊太守任胤背敵走皆棄市

左帝數示

觀象玩占卷之十七終

觀象玩占卷之十八

日暈于柳宿

總叙

柳八星為朱鳥喙一曰天相一曰天庫一曰注亦作

日味一曰天大將軍一曰八臣一曰天厨主御膳

酒食倉庫和鼎實以亨宗廟又主雷雨主工匠

主草木火星也一曰土星其北六尺為日月五

星中道其星欲明明則大臣鎮重人豐酒食王

者安厨膳具不明則王者失政宮中不安注舉



首則主命行賢佐出直則天下謀伐主就聒則  
兵滿野動搖則大人以酒食死失色則天下饑  
饑開張則人流亡曰土星其北六尺高日月

日月變異占

日在柳食王者有不安病其宮石氏曰厨官憂甘氏  
曰戒之在門戶橋道之臣若今衛尉是也一日  
鳥獸死

日暈于柳厨宰之官黜石氏曰五穀不成人饑蜚鳥  
多死

月在柳食大臣有憂甘氏曰虞水官黜邾萌曰人饑  
相食一曰天子有疾疫不安其宮乙巳占曰貴  
人百姓有以言坐罪者一曰其地有凶

月暈于柳人饑無食一曰天下土工輿邾萌曰有獄  
事其地旱疫一曰林苑有兵石氏曰秋木茂若  
有兵戰人多死又曰穀貴飛虫多夕死

月暈圍柳不出三十日有野兵圍城

巫咸日月暈柳三重大臣有死者兵起不戰有  
水灾明流徒一曰有赦 月一月三暈柳大臣



死有水民愁

月以寅月暈柳有赦

月宿柳以而霧人多陰病

月五星干犯占

月犯柳土工興木伐一曰大臣憂點却萌曰有軍在

野則將死無軍則其國憂若乘柳其下有建祠

宇起土木者

歲星守柳石氏曰天下歡樂五穀豐熟久守之則人

饑巫咸曰多水灾五穀萬物不成却萌曰多獄

事中兵有反者乙巳占曰木守柳貴臣得地有

德令

木逆行守柳有反臣中外兵起

木入柳石氏曰天下大安諸侯有慶五穀蕃熟百姓

康寧歌舞以行若失行或變色則天下而以饑

兵起

木居柳海中占曰五穀熟

木與柳同光其國大強

木出入留舍柳九十日不下國有兵戰大將死



木犯柳多水灾穀不成石氏曰木犯柳東晚穀不成  
犯其南有易君犯其西民疾老人妊婦多死犯  
其北貴人徒一曰易相又曰木犯柳處其南地  
動處其西大水一曰大人憂

木逆行柳為疾病死亡行其陰女子灾行其陽男子  
灾行其左右貴戚灾行其中君當之

木與火同守柳木星色赤白郊內起兵黃白五穀傷  
黑水灾赤角兵起近期三十日遠六十日

熒惑守柳黃帝占曰王侯不寧石氏曰中外有兵有

逆臣在君側巫咸曰天下旱多火灾萬物不成  
五穀大貴一曰羊貴臣有不奉主命者一曰王

者治宮室民多病宮中失火守之一百二十日  
以上民大饑君失國守之三十日以上君憂一

曰讒臣亂國外兵來攻萬家邑拔千家邑據荆  
州占曰熒惑迫守柳天子宫閉郤萌曰熒惑守  
柳有聖人在南國火以夏六月守柳國失地民

饑流亡

火犯柳石氏曰有木工事名木多伐黃帝占曰有導



主為非以亂其國者又曰天子以飲食為事不安社稷邾萌曰熒惑芒角色赤天下有亡君死

將

火入柳黃帝占曰大人禦守巫咸曰諸侯有慶賀事

邾萌曰國有觴容事南宮侯曰麻貴在後年一

曰天子戒飲食

火入柳而順去之天子有兵兵止留之二十日以有

上負海之客

火之柳天下以四夷為憂

火逆行柳侯王不寧天下多水灾

火留柳荊州占曰供養者非其人

火以建辰月食舍柳下芒色怒赤左右倚兩傍其冬

地大動民大恐兵大起三年乃止

火出入留舍柳有妖言國敗三十日不下天下有急

令天子大憂土工大作大將誅死國亡

鎮星守柳君臣和同天下大喜久守之天子慎飲邾

萌曰萬物不成天下大饑多疾病一曰中兵作

亂海中占曰宮中大亂相驚有土工事一曰女



主不敬祭祀多水灾乙巳占曰防食為逆  
土入柳天下喜若不由正道而入國有旱火灾  
土逆行入柳地動山崩色怒芒角四十日不下天子  
宮中有兵

土犯柳甘氏曰其國早有火灾石氏曰土工興名木  
伐一曰周地有兵

土出入留舍柳有急令丹青貴石氏曰鎮星舍柳不  
旱即水

太白守柳石氏曰大將出戰勝有喜國益太白去柳

一尺臣專命作忠以利社稷勿患近而守之久  
若失行變色小旱傷五穀海中占曰兵大起一  
歲罷南官侯曰有反臣中外有兵齊伯占曰秦  
兵且至巫咸曰有急兵有變色下凌上君弱臣  
強賊臣謀主鄰萌曰人多病狂又曰胡不安  
太白犯柳南官侯曰有木工事名木伐一曰有急兵  
有強臣有變更之事人君惡之

太白入柳鄰萌曰兵起西北方大臣守禦南官侯曰  
兵大起有得地者



太白逆行入柳成勾已下刑上成謀主民相敵讐多  
暴骨死者春秋文曜鈞曰人君殘百姓戮良臣  
則太白逆行入柳

太白提柳黃帝占曰歲不收出入荊州占曰有陰謀  
辰星守柳黃帝占曰歲不收甘氏曰王者賜客若國  
有貴客却萌曰人主慎食飲防毒藥又曰有反  
臣中外兵起一曰有敗穀貴人多死一曰舟船  
相望在北方若處其陽則為大旱為死喪處其  
陰則為大小災傷乙巳占曰水守柳貴人臣得

地後有得令期九十日

水犯柳石氏曰有木工事名木伐一曰馬貴天文論  
曰君慎飲食一曰民相讐怨  
水入柳海中占曰以水起兵乙巳占曰天下先潦貴  
旱米貴荊州占曰下刑上子訟父

客星犯柳周地有失期九十日  
客星出柳兵大起大水主浮舟天下飢人流亡不出  
其年遠二年一曰臣蔽主明名木出諸侯有誅者



赤星出柳執法者遇賊

蒼星出柳殺邊地諸侯

客星入柳兵大起天下大恐布帛繒絮貴郝萌曰兵

從擇起道路不通又曰大帥有傷南宮侯曰客

星客思色赤芒角入柳地大動

客星守柳兵大發天下有為王者郝萌曰南宮有變

一曰牛貴胡寇為亂天下有弓弩聚魚鹽貴荆

州占曰絲麻羊貴一曰大人棄其糧

客星經柳山木伐盡

客星舍柳兵出得地既得之還失之

乙巳占曰客星犯守柳天子賜邊臣

流星出柳天子惡之天文論曰周地有憂木工用乙

巳占曰名木有出者一曰天子有宗廟事武密

占曰多雨水

流星犯柳周國亡期九十日春夏犯天子發急使秋

冬犯后室口舌事起內有奸私事

流星入柳名木伐一曰王宮火天厨之官憂乙巳占

曰名木有來者



彗孛出柳兵起臣為逆大旱穀貴武密占曰庫藏災  
彗孛犯柳乙巳占曰國誅大臣兵喪並起又曰強臣  
凌主天下傾危其國大旱民多飢死期三年遠

五年

彗孛行犯柳黃帝占曰有兵喪強臣喜躍南夷叛

雲氣干犯占

赤雲氣入柳有火災出柳大旱

黃雲氣入柳期五十日有赦一曰黃氣入柳天子造

宮室土木興黃氣出有赦

黑氣入柳天子宫廟木腐敗

白氣入柳天子造宮室屋

蒼白氣入柳有憂

白氣出柳國有憂兵出

黃白氣出柳天子出美木作宮室入柳得美木

黑氣如鋒刃刺柳三夜不散大人憂

星宿

總叙

星七星一曰天都一曰員宮一曰天廷寔為赤地府



於年主衣裳黼黻文繡是為朱鳥之頸周禮鳥  
禩七旒旒以象鶉火謂七星也一日天御一日  
注候一日津橋后妃御女之位亦為賢士又為  
烽亭主急兵守盜賊水星也一日火星其右星  
黃白北上十三尺為日月五星中道七星明大則王  
白道行人主昌暗小則賢良不用天下空虛吉士  
遁藏動搖則兵起不明則執政不平天子疾病  
離徙則天下易政室家珠計芒動則后妃死人  
憂

日月變異占

日在星食虧太陽王者不安其國一日為兵旣婦人  
灾甘氏曰戒在橋門之臣 石氏曰天下賢士  
不用大臣亂國人主惡之兵起期五月

日暈于星皇后廢其分君憂鳥獸多死

月在星食虧太陰皇后憂冀州太飢一日大臣誅又  
曰主祠之官憂黜海中占曰其國更改兵在外

戰

月暈于星巫咸曰女主黜大臣憂一日有獄事其分



旱天文論曰主獄官凶有兵小占蜚虫多死一  
曰民多大傷草木再榮

月宿七星而霧民分

月五星干犯占

月犯七星有兵在外戰海中占曰輕車戰郝萌曰掌  
食臣有誅者國有憂將軍死一曰臣為亂一曰  
皇后大臣憂國大飢易相

月八七星其國有兵戰破軍死將

歲星守七星黃帝占曰天下安王道昌五穀熟久留

之不去五穀傷有反臣巫咸曰旱多火災萬物

不成有兵饑郝萌曰中兵起天下有大憂

歲星與七星同光五穀大熟

木八七星荊州占曰五穀多傷天下盜起甘氏曰有

君置太子者武密占曰木八七星守之兵起

木舍七星甘氏曰王者獲福

郝萌曰歲星居七星天下和同

木出入留舍七星郝萌曰年豐處其西有水陳卓曰

其國以義致天下



木犯七星陳卓曰天子憂兵功臣受封海中占曰使  
木逆者滿道臣下謀上

曰平望其西首水刺卓曰

地動

木逆行七星王者衣服非度邾萌曰地動

處其南地動處其西大人坐

之處其北貴人徒黃帝占曰木逆行犯守七星

逆臣為亂

熒惑守七星春夏為太陽若以十月八之守七日以

上大人愁守二十日以上憂水災人飢大亂黃

帝占曰火守七星天下有兵若社稷傾亡宮中

荆棘守之四十日人主忌之何園曰火守七星

二陽同居其歲枯旱五穀不成守之百日三年

不雨邾萌曰暴巫于金市鼓不行鬼神不享一

曰國有大彘民大苦南官侯曰有水咎邾萌曰

有反臣兵起石氏曰地動津梁不通天下有憂

火犯七星臣為亂海中占曰民若彘沒津梁不通

火入七星甘氏曰有君置太子者巫咸曰天子有觴

客事一曰大人有疾國有彘

火流七星邾萌曰天下大憂在中央



火出入流舍七星却萌曰國失地天下亂臣下衣服  
非度齊伯曰其地多喪有水多土工更紀

火與七星合人疾疫石氏曰君惡之  
火入七星而犯守之春秋感精符曰人主憂大臣有  
誅者有大客貴臣有繫者五十日不下民多死  
人主有急令不出其年荊州占曰火以十月入  
犯守七星民多死春入之其君沉湎于酒有易  
王

火逆行七星地動有火災

鎮星守七星天下安王道行其分有福久守不去則  
五穀貴人主出不還石氏曰土久守七星有遷  
王有立後却萌曰有反臣中兵起有赦一曰旱  
土出入留舍七星五穀大貴留之五十日不下兵起  
負海國大敗却萌曰天下大憂憂在中央

土入七星其氏曰有君置太子者  
土逆行七星宮中衣服非度

土失行宿七星大旱又有水災

太白犯七星二十日以上黃帝占曰有急兵一曰有



太白死君有亡國一曰兵度津橋者凶巫咸曰火災  
萬物皆不成郗萌曰國失政大人當之南宮侯  
曰有反臣中外有兵

太白守七星去之一尺守之三日若五日順軌道而  
去之將軍出戰勝益地以入日占國中央

太白犯七星臣作亂郗萌曰兵大起有暴巫移市一  
曰國失政大臣當之巫咸曰水災五穀不成天  
文論曰其分有暴兵

太白入七星甘氏曰有君置太子者

太白提七星出入旱歲惡

太白經七星過之民非吾民當有詐為王者

太白出入留舍七星三十日不下兵且起六十日不

下必有破國亡王死將八十日不下兵三季不

止有急令期不出其年

辰星守七星三十日若二十日以上大水大臣凶法

官有坐罪者郗萌曰有反臣中外有兵人守不

去有同姓謀為主者石氏曰民多疾一曰民流

千里一曰兵內起



水犯七星臣為亂一日賊臣在君側一日民疾病多

流亡

水入七星有君置太子者

水之七星天下大勞百姓多流亡

水流七星都萌曰天下大憂憂在中央

水守七星芒角動搖甘氏曰天下有兵三年乃解又

太白曰萬物不成

太白曰萬物不成星三十日不雨其且

客星出七星君以急事遣使以色占其吉凶以星所

往占其國

客星出七星而守之石氏曰王者不親其子天文論

曰河水溢民流徙

客星入七星石氏曰客有以急事來使者以色其及

客星所從來占之都萌曰有君置太子者有奇令一

曰色赤宮中憂火色黑貴人憂

客星犯七星國有大兵不出百八十日

客星守七星布帛麻枲貴津梁絕南官侯曰山水會

河水決人流亡去其鄉或曰天下變更石氏曰



周地有大賢守之三十日不去天子廷中有賊  
國易政土工興馬鹽貴麻豆不收又曰青黑色  
為人疾病白色為死喪乙巳占曰客星守七星  
兵大起多水潦道路阻塞溝洫不通

客星舍七星五穀不成番舍不去宮中憂火  
流星出七星內庫金帛出一曰王者以急事遣使期  
百八十日若一年

流星入七星有急使來一曰內庫官有喜錦繡進女用  
乙巳占曰天下更令有徒人期三年乙巳占曰

流星雙入七星五穀不熟春夏犯第三星兵大  
起秋冬犯之水灾王者憂

流星犯七星國有兵不出百八十日天文論曰其邦  
有憂口舌之事七星為天都凡流星出入皆為  
財帛之事

彗孛出七星甘氏曰國有叛臣人主不安兵起宮中  
大臣戮死且有大水一曰星孛七星期三季聖  
人出

彗孛犯七星邦有亂臣一曰大臣相疑一曰國主不



定宮中兵起大臣死非其罪近期七十日遠倍  
之

彗出星張之間狀如布從風而靡此為兵戒熒惑之  
變也共占為君失政臣弄權兵起也

蒼白雲氣入七星大人憂  
赤雲氣入七星中兵氣也若有客來必有兵隨之  
赤雲氣如波揚入七星中火氣也宮中有火災四曲  
五曲后妃惡之

蒼白雲氣出七星天子有急使出其氣回曲而不正  
有亡臣

赤氣出七星天子使出亦有兵隨之出

黃氣出七星天子有賜于諸侯氣見而大風隨之者  
有赦

黃氣彷彿入七星外國有貢獻

黃白氣潤潤澤入七星遠人來貢

黑氣入七星賢人多死出之禍除

白氣入七星國有死喪



雲氣入蜚鳥啄七星大人憂

星居之七星皆入之天出之跡新

黃白庚國國戰入之星盡入東貴也為其成也

黃白庚國國戰入之星盡入東貴也為其成也

黃白庚國國戰入之星盡入東貴也為其成也

黃白庚國國戰入之星盡入東貴也為其成也

黃白庚國國戰入之星盡入東貴也為其成也

黃白庚國國戰入之星盡入東貴也為其成也

觀象玩占卷之十八終

觀象玩占卷之十九

張宿

總叙

張六星為天府一曰御府一曰天昌寔為朱鳥之喙

日赤火星也主天廟明堂御史之位金玉珍寶宗廟

所用之物天子內官衣服遠方貢物之庫主天

廟飲食賞賚之事又主長養萬物其北十三尺

為日月五星中道張星明大則人主昌天下治

民物阜蕃五禮脩厨養具暗小不明則五禮失



天子失多疾病少子孫移徙則天下有逆民就聚則兵起失色則宗廟不安明堂禮廢動搖則有賜與之令

日月變異占

日在張食王者失禮于宗廟甘氏曰戒在山澤汗池之臣若令水衡也石氏曰后執失貢臣憂期七十日荆州占曰則庫官出武密占曰掌御膳者憂之

日暈于張財寶大出將相憂其分君憂凶

月在張食大水魚行人道甘氏曰后失執貴臣凶郝萌曰其地旱人相食石氏曰虞人有黜者

月暈于張大水黃帝占曰蜚鳥多死郝萌曰其地旱陳卓曰五穀及鹽貴一日法守無定巫咸曰宮中疾疫后妃惡之一曰海鳥出

月變于張天子慎飲食

月宿張而霧王之惡之

月五星干犯占

月犯張郝萌曰將相憂國有憂一日貴人失勢后有



憂一曰其分君憂武密占曰大臣有坐罪者一  
曰有嚮客蜚虫多死

歲星守張三十日以上至百日陰陽和歲大豐君臣  
同心天下大平武密占曰木守張十日年豐三  
十日不去天下安寧甘氏曰木守張一年天下  
昇平石氏曰木守張人多疾疫郝萌曰木守張  
南地動六畜貴守其西大水守其東大旱又曰  
國政急民有千里之行一曰貴人死

木入張石氏曰歲豐天子有慶賀事巫咸曰旱萬物

不成多木灾

木出入留舍張三十日不下有兵六十日不下更立

侯王

木居張歲和熟

木逆行張人居衣服非度好樂淫候郝萌曰有反臣

中兵起逆行守張人疾疫多心腸病

木犯張王者政令急民有千里之行

木與土合于張荊州占曰歲不和貴人多內喪一曰

大水六年郝萌曰天下有變民憂盜賊後且大



旱一曰天下易令民流千里

熒惑守張石氏曰天下有歸兵一曰國治宗廟封功

臣久守之國其分亂有兵米貴皇帝占曰大將

有千里之驚大水五穀貴一曰土工作役不時

百姓怨誹春秋異郵曰諸侯謀反一曰政不平

民多訟雨暘失時各水不通歲凶一曰君不恤

政事政急民飢有千里之行郗萌曰有反臣中

兵起石氏曰女主用事兵起宮中生荆棘不又

曰國倉空巫咸曰有大客遠來火入張石氏曰

大亂兵起若以六月入之國空巫咸曰火入張

君有賜客之事南官侯曰火入張而守之國有

急兵甲聚大人憂將軍死

火逆行張郗萌曰地動有火灾陳卓曰功臣憂逆行

犯乘張大亂兵起中犯乘張黃帝占曰有水

灾穀貴

火與張合其國不可舉事用兵必受其殃

火犯乘張而守之天下有兵宮門閉天子有急五穀

不成人大飢故曰火居張人絕糧



火出張中大旱五穀大貴

火留張臣下衣服失度

甘氏曰熒惑失次守張當去而不去未當來而不來其色大赤其國舉兵從之得其次者無咎

鎮星守張甘氏曰天下大通不用關梁一日天下和平宮中有喜一日土守張天下道路不通婦人多死一日多賊盜人民交惡兵火並起巫咸曰土守張三日其事微三十日其事大其國諸侯有謀大臣伏法死石氏曰五穀不熟人多病

萌曰有反臣中兵起南宮侯曰土工興

土出張兵起北方東國失地

土入張天文錄曰兵起一日梁宋之間有凶乙巳占曰天下大道去阻關梁宗室惶惶

土出入留舍張為陰陽盡民流千里石氏曰魚鼈死于陸道民憂盜賊郗萌曰里甲兵盡出土工興在秋冬仲月一日處其陽大旱處其陰盜起人

疫

土逆行張石氏曰女主亂朝郗萌曰女主飲食不度



逆行犯守之女主荒晏宮中無禮

太白守張石氏曰國易政天下搔動巫咸曰多水災  
五穀不成一曰其國有兵謀不成天下以空發  
兵甘氏曰兵起不行一曰先旱後水民飢南宮  
侯曰為反臣中外有兵一曰下凌上君弱臣強  
奸臣賊子謀弑其君一曰人多病狂

太白乘犯張守之三日以上至七日巫咸曰將內軍  
反賊臣在側

太白中犯乘張石氏曰兵車滿野有亡國天下易政

太白出入留舍張兵起于其國

太白提張出入相擅權謀主

辰星守張天下大水有兵人多病死甘氏曰貴臣專

國天下不寧巫咸曰百穀萬物不成郗萌曰有  
反臣中外兵起又曰夏麥不收大飢民多爭訟

太白一曰有更令

石氏曰辰星守張若有芒角有臣傷其君色赤

有兵為諸侯之客起于宮中若庖厨之之聞其

君傷色黑防飲食中有置毒者



水逆行守張人飢且病

辰星出張春秋圖曰有賢臣在側可為卿相者

辰星出張中有叛臣入張有大火

辰星入張守之鄰萌曰是為守入火為逆理犯上下

不安下謀上多聞訟若有疾

客星流星彗孛干犯占

客星守張天下飢國更主人民敬走一日糴貴在張

太白中貴百倍天下流亡石氏曰周楚有隱士或曰

外邑有變海中占曰客星守張滿三十日有亡

國死亡臣謀逆小人謀貴禍及嗣子期三年鄰

萌曰先起兵者利後又起兵者不利一日食中

有毒一曰有來獻者天子酒大出一曰天子以

憂敗弓失貴國人憂食

客星出張白衣同姓有自立者天下更令有徒民君

使人于諸侯客星出張中其色黃君好畋獵色

黑君死一曰客星出入張兵起國飢

客星入張君其有賜客之事一曰有使客來以五色

占石氏曰國治宗廟期二十日有憂男子急巫



咸曰米貴人徒郟萌曰諸侯有使來賂遺君貴  
臣者 荊州占曰政急人苦民死邊塞

客星犯張天子以酒為憂

客星舍張不去前將軍有陰謀兵起

流星舍張諸侯有來貢者一曰天下更令有徒民天

文論曰有犯上者近臣憂

流星出張諸侯有受賜者

流星出張入天子以宗廟社稷事肆赦

流星犯張厨官有事一曰病春夏二季五穀不登秋

黃白冬犯大水鹽大貴

流星抵張巫咸曰厨宰受賜

彗孛出張石氏曰天下大亂王者徒宮天下半亡人

赤黃民惶惶不能聊生甘氏曰其國內外用兵有水

黃白災

白雲乙巳占曰彗孛出張大旱穀石三千

彗孛犯張天下民半死

彗出星張間狀如炊熒惑之變也為兵災

雲氣干犯占



蒼白雲氣入張廷中觴客有憂變出之禍除

赤雲氣入張天子用兵賜物

赤雲氣如波揚入張天子宫中火災

白雲氣入張大客有兵憂

黃氣澤潤入張天子因喜賜客

赤黃氣入張有憂出張天子用兵

黑氣入張徘徊而散其分有水災

黑氣入張而轉繞之或如刀劍刺之天子防客

黃白氣出天子使使賜諸侯

翼宿總叙

翼二十有二總叙星曰化宮一曰天都市一曰天除

一曰天旗土星是為朱鳥之翼為天之樂府主

和五音調六律五樂八佾以御天宮寔為南宮

之羽儀文物聲名之所豐茂主三公化道文籍

及蠻夷遠客負海之賓俳優秋鞮戲娛之事其

北上十有三尺為日月五星中道其星光明有

叙則君明臣賢禮樂興天下平四夷率服星暗

大小失次則帝王失禮王道衰微動搖則有蠻



夷之使來孰聚則天下相伐移徙則三公廢離  
徙則民流失色則日月五星亂行星亡則化道  
不行文籍壞滅明大芒動則王者用兵征伐四方

日月變異占

日在翼食大臣相譖正言者亡不出其年黃帝占曰  
歲旱石氏曰王者失禮宗廟不親奸臣得志化  
道不行文籍壞滅

日暈于翼禮樂壞弛人主惡之曰天祿市一曰天  
月在翼食忠臣誅一曰正言者殃北夷有兵女主亂

化道不行文籍壞滅一曰婦人多死一曰后失  
寵蜚虫多死一曰將軍亡一曰

月暈于翼郗萌曰大旱有大風女主惡之黃帝占曰  
士卒多遁走陳卓曰卒大盜亡其將荊州占曰  
天下兵起庫兵悉出一曰有軍軍罷巫咸曰士  
卒大聚有大戰民去室宅車馳馬走貴人多死  
京房曰軍在外失偏將天文論曰多風霧郗萌  
曰月以二月暈翼則五月有赦

月變于暈翼有獻異鳥者



月行宿翼而霧女主惡之

日月五星干犯占

月犯翼太常官憂一曰其分兵起有喪却萌曰有兵

大將戰死又曰女主惡之一曰相傳舍一曰蠻

夷兵起蜚虫死黃帝占曰忠臣相譖言正事者

亡

歲星守翼正道大興賢臣進用久守之五穀不成人

流亡石氏曰有兵若大小一曰川枯不通一曰

木守翼有賢臣出左主一曰聖人起伐無道荆

州占曰文術行天子安乙巳占曰歲和穀熟却

萌曰木守翼南六畜貴守東魚鹽貴守西不占

北五穀灾海中占曰木處翼東瓦器貴處南車

馬貴

木逆行翼其君好淫樂佚遊志患車逆行入翼甘氏

曰有海客來却萌曰四海有急國憂

木出入留舍翼荆楚有急多虎豹六十日不下小人

失功却萌曰其國地亡六十日

木入翼石氏曰五穀以風陽期一年犯之則人流亡



期歲中

熒惑守翼天子懦弱臣不用五穀不熟久守之人飢  
魚鹽貴兵甲聚人多死石氏曰大旱萬物不成  
天下脩兵一日先水後旱布縷大貴雨暘不時  
人病頭目郗萌曰有反臣陳卓曰多盜賊川谷  
不通民人交惡一日有大風有急事南官侯曰  
穀貴民流蛇龍有亡國一日佞臣亂政車騎大  
集歲多風雨一日負海國來獻奇禽  
火入翼荊州占曰四海大兵民飢無食車騎何極民

無所息郗萌曰天下有急國憂陳卓曰將軍為

亂南官侯曰魚鹽貴倍一日國有大徭民勞石

氏曰火入翼守之四月楚君死十日相死

火逆行翼不出其年兵起天下大擾荊州占曰邪臣

專朝政亂忠臣不進一日有火災留之二十日

以上國有大喪

火留翼南官侯曰臣下淫佚

火出入留舍翼郗萌曰使者有急事兵起不用於外

地逆行成句已不出九十日兵起亡國



火犯翼兵大起犯而守之臣下逆命天下大亂大饑  
大疫大兵大戟四海洶洶有亡國死王之  
鎮星守翼君明臣良六合同風天下和平禮樂興守  
之一年歲豐十年若失行或變色則有土工有  
反臣中兵起多水災萬物不成乙巳占曰土守  
翼后天子有喜與火同占大對  
土逆行翼女主亂朝逆行守翼有友臣兵外起  
太白守翼石氏曰萬物不成人流亡巫咸曰有友臣  
中兵起一曰臣子有懷逆者石氏曰太白守翼

三日以上臣不臣郝萌曰四夷兵起五穀風傷  
民多疾一曰魚鹽貴玉曆曰有急事有大風齊  
伯占曰臣不奉令人主憂黃帝占曰易伐臣行  
主令兵起四方曰萬物不  
太白入翼荊州占曰天下兵塞  
太白出入留舍翼大風大起大水出郝萌曰君不平  
太白舍翼郝萌曰有客兵占車左旱舍右兵起  
太白去翼一尺海中占曰太白陰也翼陽也陰來附

太白陽秦當朝楚



太白犯翼四夷兵起民疫死有大風五穀傷若勾已  
太白環繞之臣奪主國曰太白刺也翼刺也刺未也

辰星守翼魚鹽貴守其國南牛畜貴守其西金玉貴  
太白守其北五穀貴一曰貴臣憂失國民飢流亡石  
太白氏曰辰星守翼水入火逆禮必有水旱之灾天  
子大臣俱憂又曰萬物不成鹽鉄大貴牛馬行  
甘氏曰大水兵起辰星色白京師兵起色黃事  
成色黑事不成海中占曰大水一曰多火灾在  
北方灾在北方郝萌占曰近臣為亂有亡國民

流千里龍蛇出見陳卓曰王者有疾期不出其  
年中一曰權在臣下歲多大風乙巳占曰大臣  
憂星入其度當位者宜退之

水入翼中兵大兵  
水犯翼臣作亂陳卓曰其地荒

辰星一年不出而出於翼軫人主死  
辰星之翼有賢臣在民間

水與翼晨見東方夕見西方大臣有誅者一曰同出  
西方大臣憂



客星流星彗孛干犯占

客星出翼石氏曰君遣使人于負海之國巫咸曰將  
軍反兵起大戰同諸侯有自立者又曰邊有大  
急天下大水傷五穀人流亡去其鄉期三年

蒼星出翼五穀風凋

客星犯翼乙巳占曰國有兵大臣憂遠期百八十日

與流星占同

客星入翼石氏曰負海國有使來荊州占曰大臣憂  
客星出入翼多風雨河決水且至道不通五穀不成

彗孛人流亡

客星守翼君弱臣強四夷不王郗萌曰將軍反一曰

國更服一曰邊臣大急有戰一曰兩傷五穀有

大風名山崩荊州占曰大饑南官侯曰權臣亡

羽毛旗幟貴乙巳占曰大星守翼大水江海決

溢道路阻塞魚鼈槁死於陸

流星犯翼國有大兵大臣憂遠期百八十日秋冬犯

之土工用

流星入翼負海國使來貢奇禽色黃即至色青道病



色黑道死一日流星入翼有賢士入見一日貴  
臣有囚獄者

流星抵翼天子不尊諸侯期百八十日  
流星經宿翼聲如雷禁中兵起軍破民流

流星出翼有兵出一日天子使使出求賢乙巳占曰  
滿國受恩賜

彗孛出翼禮崩樂壞國以兵亡乙巳占曰其國以水  
饑人流亡有兵君有喪所指有降者期五年

彗孛犯翼有兵人主出降期一年一日天下皆謀上  
國有大喪人主亡兵大起

彗出翼軫之間國有大喪人主死亡天下謀上有人  
兵期不出三年

神四星曰雲氣干犯占  
赤雲氣入翼有暴兵入國境

赤氣出翼其國兵出隨氣所之

黃氣入翼天子使使于諸侯

蒼白氣出翼太常之官憂

黃氣潤澤入翼諸侯來貢物



黃白氣入翼外國入貢一曰白氣出翼大臣憂

黑氣入翼正抵其星三夜不去宗廟有灾大人憂兵

黃星大起

黃星出翼宿

黃星出翼總叙

軫四星曰天車主車騎任載盜賊戰伐之事亦為喪

車輶輶之象主死喪四星為天輔冢宰之官主

慧出察殃咎之凶灾水星也主凡國其右星北上十

三尺為日月五星中道軫東一小星曰左轄西

一小星曰右轄右轄主同姓諸右轄主異姓諸

侯一曰北星曰轄南星曰膏皆去軫七寸一曰

日五轄去軫五寸膏去軫一尺為常軫中一小星曰

長沙為棺木主壽命又為囚亡軫星明大則法

駕備車馬用移徙則天子憂孰聚則兵起動搖

則車騎動轄星欬其近軫去軫近則上下和睦

遠則君臣相疑七寸以上為近一尺以上為遠

轄欬小而明不欬大而明小而明則國祚安明

而大與四星時則兵大起微暗則諸侯有憂星



亡則天下傾軫進退則車騎發復其所則車驛  
罷百兵在外而軫遠軫兵一罷軫舉則南夷內  
侵動搖則兵車動長沙小而明則主壽昌微暗  
則國有憂明大與四星等則臣下謀逆兵亂乃  
生星亡不見則人主惡之

日月變異占

日在軫食貴臣亡后妃不安巫咸曰太子憂不則諸  
侯戮海中占曰侯王將相有殃甘氏曰戒在主  
車駕之臣一曰國有喪

日暈于軫王者惡之一曰內兵起太子憂

月在軫暈食貴臣死后不安一曰其分有不從令者  
郗萌曰車騎發又曰主車駕之臣有黜者

日暈于軫黃帝占曰大將戰死一曰兵起歲旱大風  
傷物郗萌曰無起兵者不勝武密占曰大臣黜  
一曰諸侯盜兵夷狄入境

月暈圍軫三重戎狄滿野庫無留兵廐無繫馬

月暈軫及角大赦饑 月以二月暈軫及角五月大赦

月以正月暈軫郗萌曰大饑公子死車貢



月以四月暈軫天子有德令

月以十二月暈軫內兵盡出有兵在外則

月軫宿為風雨

月五星干犯占

月犯軫兵車用郗萌曰其國有憂有大喪乙巳占曰

車騎出期一年

月入軫中大風為敗

歲星守軫有病及喪甘氏曰國君有疾天子昏宗廟

海中占曰主車官者有罪郗萌曰有土工旱萬

物不成人饑一曰舟楫不通一曰木守軫處其

南六畜貴處其北穀不成處其西水灾有女喪

處其東糴貴石氏曰木守軫吉久守則有大喪

郗萌曰木守軫七日不移則有赦

木入軫中天下多死喪兵大起荊州占曰其分將死

木犯軫巫咸曰民多病憂火灾天文論曰人主忌之

宜宗修廟廢赦令以解之海中占曰天子不恤

孤老大臣皆叛師旅大起又曰主車官者有罪

木在軫王者憂疾病國有喪不出九十日居其東米



木逆行軫多火災郗萌曰人居服喪不謹貴親主之  
七日不移若逆行至軫而守之其國有喪君憂  
守之七日不移有弑逆之事文命曰八主忌之  
木逆行入軫中若守之兵大起有大水大旱人疾疫  
天下更主期二年日不許陽本始  
熒惑守軫兵起將軍憂天子伐位石氏曰有兵天子  
車駕凶若有兵戮大臣死青絳帛泉皆貴郗萌  
萌曰有反臣中外兵起荊州占曰有戰天子軍

木自敗巫咸曰旱川枯不通萬物不成多火災一曰  
火守軫居其南人多病居其北人多死火以  
十二月守軫三十日以上兵大起車騎悉發若  
入居軫中天下人盡供軍事無居家者若芒角  
赤怒天下大困  
火入軫兵大起石氏曰楚君死甘氏曰有負海客星  
郗萌曰大水車貴陳卓曰國有大喪將軍死南  
官侯曰水旱並起天下動擾妖言無實國政數  
改士卒疲勞將有咎天文錄曰將軍為亂一曰



邊兵起

火出軫南人多病出其北人多死郝萌曰火出軫陰

兵起出其陽乍東乍西遠去之其國小憂出而

火復還國有大憂近其一年中二年遠三年

火行軫左負海國有殃行軫右中國其殃

火逆軫行多失火

火逆行入軫名曰經天國敗人亡哭聲滿野其分尤

甚

火自兩角逆行至軫天下道絕不通行而出其南人

多病出其北人多死出其陰陰國戰勝出其陽

陽國戰勝

火在軫不可為人客者有殃罰當死

火犯軫大臣戮死

火犯守軫環繞之成句已天下兵起主命者惡之一

曰大臣欲謀君大人憂不出其年若入軫中有

亡國

填星守軫甘氏曰土工興有白衣之會亡國地不出

其年石氏曰兵大起以守之五穀傷荊州占曰



后憂

土入軫中若守之兵大起國有憂川水竭禾稼死人  
飢流亡期三年一曰土入軫中有兵起者自敗  
土逆行軫石氏曰女主持喪不謹其貴親坐之  
土起角逆行至軫其下國戰不勝  
土出入留舍軫大旱五穀傷六十日不下江河皆竭  
不出三年有大喪  
土出軫而留守之大旱大飢兵起

土中犯乘軫國多死喪有土工興兵起人主惡之

太白守軫黃帝占曰將軍為亂車騎大發甘氏曰將

軍憂海中占曰四夷兵大起南宮侯曰亡地千

里有大喪有謀伐上者郝萌曰有死王吳楚有

憂

金犯軫將軍為亂臣謀君貴人死于兵去之一尺天

下大饑期不出百八十日一曰兵起西方

金入軫兵大起國易政士卒遠將軍受封乙巳占曰

有自来侯王受命于王者

太白出入留舍軫秦兵入楚國亡地有死軍



太白逆行軫其國亡地逆行入之亦曰經天其國兵  
亂積尸如山

辰星守軫水傷五穀黃帝占曰天下大疫貴人多死  
國有喪石氏曰萬物不成一曰有反臣中外兵  
起一曰車騎用執法臣凶玉曆曰天下人多疫  
死北方為甚

水入軫兵大起  
水入軫中而守犯之兵起大戰破軍殺將天下驚駭  
守之三十日以上赤色芒角數十萬人戰有流

血積骨其餘殃不盡為大水大饑山崩河決期  
二年

客星出軫經車出石氏曰天子使人以車賜諸侯一  
曰白衣自立大國有喪兵起有王君期不出一  
年遠三年赤星出軫國兵亂

客星入軫經車入諸侯有使來以車為幣郗萌曰土  
工興五穀大貴或曰無患處車留馬  
客星守軫天下人灾兵起車馬有急行一曰車馬貴



石氏曰川谷不通井氏曰國有自立者一曰小國自立大國多害一曰天下有名山崩大川溢出地有土工糴大貴邊地有大兵軍吏憂星色赤黃有外憂蒼黑內有讒臣

客星犯軫車馬貴海中占曰有兵喪一曰邊兵起客星入軫犯長沙天下無處士有逃王之則出兵散流星犯軫有大喪兵起庫藏空春憂犯皮革貴秋冬犯水旱不調

流星出軫內使出入軫外使入以色占之

流星入軫其國兵起有喪色赤黑大臣憂色白相死  
近期半年遠一年

流星入長沙天下有兵逃亡無地

彗孛出軫天子崩兵滿宮闕一曰臣犯上天下兵起  
三公有與主共死者一曰天有下有走王

彗孛出軫天子崩兵滿宮闕一曰臣犯上天下兵起

彗孛犯軫天下兵起有大喪近期百八十日遠一年  
赤彗犯軫人主以禮無失國

雲氣干犯占



蒼白雲氣入軫王者不可行幸宮觀出之其禍除  
黃白雲氣潤澤入軫諸人貢以車為幣出軫天子以  
車賜諸侯兵從中起  
赤雲氣入軫兵從中起  
赤雲氣如波揚入軫車庫火災兵且起有大喪  
蒼雲圍軫亡國之戒  
赤氣入軫將出兵行  
白雲氣入軫有大喪  
黑氣入軫大人憂

黑雲氣如鼠入軫中天子有隊車墮馬落床之厄  
黑氣四散入軫中若面繞之成天下大水車不用



觀象玩占卷之十九終

黑虛四婚入陳中義西熱之故天可大水車不田

觀象玩占卷之二十

北經星三垣東門北遊取蜀為土誅其使蓋西

星為太微宮垣中華東門門北其言星也水誅

南游南總叙為土誅北誅為太微東門門北

太微宮垣十五星在翼軫之北天子之廷上帝之所

治一曰天廷一曰保舍五帝之座十二諸侯之

府其外蕃九卿也軒轅為權太微為衡者主平

之器太微天子常治理法平辟命功授德列宿

之所受符諸神之所考節舒情稽疑順時施化



以應天下之所也。巫咸曰：太微土官也。黃帝占曰：太微東西蕃各四星，南北列，西蕃南端第一星為上將，北間為太陽，西門門北一星為次將，北間為中華，西門門北一星為次相，北間為太陽，東門門北一星為次相，北間為中華，東門門北一星為次將，北間為太陰，東門門北一星為上將，其南蕃兩星東列，西四星為右執法，東星為左執法，兩執法

法之間，太微天庭端門也。右執法門西間為右掖門，左執法東間為左掖門，右執法御史大夫之象，左執法廷尉之象，主刺奸去惡，十里齊明。則將相同心，天下治安，差戾則輔臣乖違，不明則臣失職，動搖則諸侯謀天子，芒角則大臣專恣，心執法恕則威刑急，移徙則刑罰不中。

月五星干犯占

月入太微，荊州占曰：宮中有亂，有所犯則隨其所中。之官命之，黃帝占曰：大臣憂亦為后族擅權，郤



萌曰君弱臣強四夷兵起有奸人伺主之庭亦曰有喪

月入太微中西夷有詐不可信一曰有欲不受命者又曰大臣死不則有憂

月入太微中華東西門若左右掖門而出端門皆為有反臣五星同

月入太微西門而出東門人君不安大臣假主威而不從主命

月入太微中華西門出中華東門皆為臣出令

月入太陰西門出太陽東門皆為大亂有喪若大水月入太微庭有所干犯皆為臣下謀逆宜急求賢人

月入西門犯天庭出端庭門臣伐主

月行左右執法大臣憂相繫而死免者少

月行太微中出東掖門為相受命東南出德事也出西掖門為將受命西南出刑事也五星同

月貫太微中而東出大臣出侯王入為主出其中門

臣不臣



月犯太微四輔輔臣誅犯執法執法誅從其所中命

貴之五星同東出六到出到五入海主出其中門

月暈太微天庭天子發兵自衛三暈之天子自臨兵

必行有急謀若在軍中天子忌之出動事也出

月食太微中若端門之中天下兵起大亂將相皆有

憂天子國亡出端門外主

歲星以甲子日入太微天庭中大帝之所使也不以

甲子日非帝所使也黃帝占曰木入太微色白

潤澤期百八十日有赦齊伯占曰木入太微由

軌道而出諸侯有受封者

木東行入太微出東門天下有急兵東行入太微廷

歲不登人民饑若守之將相大臣御史有死者

若入端門守天庭大禍且至入南門出東門國

大旱五星同

木入太微從南門入而逆行西門出國有大水

木逆行入太微玉曆曰強臣凌主諸侯兵起七日以

上主大憂有死喪

木入太微從右入留七日以上人主憂留二十日木



火入太微執法大臣專命

熒惑入太微天下不安甘氏曰臣謀主一日有立主

木入太微一日宮中有亂又曰賊入宮一日火入天庭天

木入下饑一日後三年有喪火入太微色白潤澤期

百八十日有赦五星同

郝萌曰火入太微留二十日以上有赦河圖帝覽

嬉曰火留止太微中為兵荊州占曰火入太微

木入留二十日以上廷尉坐之天下大憂

火入太微庭中春秋聖洽符曰地族相次天子憂荆

州占曰天下驚有兵人主不安其宮一日主命

之真無期一日大臣死臣多不奸天下倉閉人不得

食天下饑留止之人主有大憂

火入太微至屏南而出門扉左右將軍死

火犯太微左右執法及四輔不誅則死各以所中命

火入之

火犯太微門右星大將死犯門左星次將死大臣憂

執法者誅

火犯太微東南限星天下大饑近期一年遠五年



火入太微出左掖門左將軍死出右掖門右將軍死  
出端門有反臣一曰火出太微南門執法有大

火外事出左掖門大臣誅  
火以丙子日順入太微庭中天帝所使也入而順去

火外之不留者不為殃若非此相各以其占言之荆  
州占曰火入出太微從右入留七十日以上日

人主死

玄冥占曰火入太微無所犯守順度而出左右掖門  
視其所之之野天子謀之不效其宮七日主命

熒惑恒以十月十一月入太微天庭受制而出行列

宿伺無道之國罰無道之君失禮之臣出而有  
所犯皆為天子所誅若守宮三旬必有赦期六

十日

火守太微端門臣謀逆若留止大臣門外戮死

火守太微庭中人主惡之

火守太微垣外門之左庭尉有事守門外之右丞相

御史有事守端門中二十日臣作亂主出走

火守左掖門左將軍死守右掖門右將軍死主臣皆



有憂

火守太微六十日諸侯三公有謀上者一曰有戮臣

有亡國

火逆行入太微兵喪並起主者惡之若環繞勾己之

天下更紀火逆行犯上相天子戰于野上相死

火逆行天庭中不留天下有獄

火出太微天庭中而立者國有徒王

填星犯太微女主持政強臣執權一曰亡君之戒

土入太微中大夫憂一曰有德令

土入太微天庭中天子驚有兵色白潤澤則有赦

土入太微有所中犯采守皆為天子所誅

土入太微天庭中留七十日以上主憂之

土入太微從右入七日以上人主憂

土入太微西掖門出東掖門君不君安

土入太微中華西門出中華東為臣出令

土入太微太陰西門出太陰東門天下亂有喪且有

大水五星同

土守太微石氏曰有亡國易世立王



土入太微留守之三十日以上帛皇帝占曰有革命  
大赦天下土往來勾己太微天庭中君臣俱憂  
土逆行太微天庭四輔左右執法而環繞守之所當  
者死亡期一年

土逆行天庭后妃貴臣有謀匿  
太白以庚子日順入太微天庭中天帝所使也不以  
庚子日入非天帝所使也

太白入太微行天庭中天子宮門閉大將被甲大臣  
誅死司馬彪曰有大兵入天子庭荊州占曰近

臣起兵一曰人主自將又曰臣相御史廷尉有  
憂荊州占曰天子之庭太微西蕃第一星至東  
蕃第一星東下是也五星皆不當行其中石氏

曰太白入太微留守之及有凌犯皆為兵喪

太白入太微出左掖門大將出東南伐出右掖門大  
將出西北伐皆不出其一年

太白入左右掖門出太陽東門強臣誅

太白入西華門出東華門大臣作亂謀其主若諸侯  
不從王命



太白入太陰西門出東門天下大亂主死宮破有大  
水期一年

太白入天庭中臣相殺國有恐荆州占曰太白金主西  
北入太微西陽南星入西為西方入二星之北  
為北方皆臣弑主之候也若犯妃帝座則事成  
不犯不成事其出所止留之宿國以知其所誅  
太白羸而北入太微大將兵入天子之庭出太微則  
宮中有兵

太白順行當太微端門為受制當左右執法受事留  
太微門三日以下為受賜三日以上為兵為亂  
為賊為饑

太白犯太微主命奪以其所中者為天子所誅

辰星以日壬子日順入太微天帝所使也不以壬子

日入非帝所使則為殃咎

辰星入太微荆州占曰人主不安其宮天下驚有兵  
一曰天下有聖女子出陳卓曰天子宫中群臣  
相殺後宮有憂一曰大水傷人物其三十日

水入太微端門守天庭強臣奪主位水入太微太陰



門後宮破若有大水期百八十日  
水入左右掖門而出東門天下有憂  
水入太微西門從東門出皆為天子有兵喪大水若  
宮中有水湧地陷之灾  
辰星出太微宮有內亂天子當之陳卓曰辰星出天  
庭中君臣相殺且有大水  
辰星犯左右執法若守之皆為兵起有赦犯四輔輔  
臣誅若死喪以所中命之

客星流星彗孛干犯占

客星出太微天庭中有奇令陳卓曰有兵喪黃帝占  
曰人主憂臣謀反兵起宮中一曰執政臣有戮  
者海中占曰兵大起大水入城廓若有所犯守  
各以其所中者命之  
客星出太微而留三十日以上君死國亡以其所出  
日辰占國赤星出太微有立亡一曰有徙王宮  
有大兵大起  
客星入太微端門而出西門天下大水人飢入端門  
而出東門天下大旱五穀不成入端門而復出



端門其國有患天下亂以色占之入端門出左掖門其國憂大旱出右掖門其國有亂大水石氏曰客星入端門臣謀叛郗萌曰則謀主逆王命

客星入左掖門出右掖門其國有喪入右掖門國有客入如左右掖門而出東西門國有大喪貴臣有死者入右掖門而出端門小國亡出左掖門其國有小事出東門大國亡仍出右掖門國有客為刑

事出西門大國以為亡客星入左掖門出端門國滅亡仍出左掖門其國大傷出東門有大喪出右掖門有大逆不道出西門國流血百里石氏曰客星入東西門而出左掖門其國兵出幸臣誅死客星入東門出端門其國有憂又出左掖門其國亡出西門國有殃荆州占曰出東門有喪黃帝占曰入東門出西門大國以微亡客星入西門出端門其氏曰國大亂郗萌曰五穀不



客星成

出左掖門臣不用殃門出東門多國不祥

出右掖門多國大敗仍出西門國有兵身黃

客星入太陰門後宮有賊一曰兵起天下動

客星入太陰西門出太陰東門大水天下亂

客星入太微廷中而出端門天下動亂人主憂國易

政期三年

客星入太微中乙巳占曰兵大起有賊客入國守之

十日不出其灾成在陽為男在陰為女不出一月

客星入太微色白潤澤有赦色青赤黃火大起有賊

客入國兵大起

客星入太微中十日成勾已天下有大赦奴婢下賤

人妻妾長傭期六月荆州占曰客星入太微中

十日宮中有自殺者在帝座南為男在座帝北

為女入二十日有赦

客星入太微守天庭三十日宮中有賊大人憂之在

陽為人君在陰女主當之玄冥曰客星入天庭

后族為亂宮中有伏兵荆州占曰客星色正赤



入太微庭中兵起

客星入太微有所犯守所中者殃赤星黃狀如帚色

潤澤入太微天子納美女出之天子以美女賜

諸侯

荆州占曰客星在太微庭有一星天子自將兵出有

二星天子無主有三星天下散亡

流星入太微端門者天子使也以所之之野命其所

往之國星來為使復命以五色言其事及其凶

期不出二年

流星出太微東西門臣為亂大兵起貴人多死近期

一年石氏曰流星出太微兵起大將出奔星出

太微中有立王若徙王流星出太微南門貴人

有死者其數多則死者甚眾

流星入太微有內亂兵起近西相也近東將也石氏

曰流星入太微天庭避之告不避者危所謂避

者從左來避之右從右來避之左也一曰流星

入太微庭中外邦以急有使來不出其年

流星入太微東西門大兵起大臣為亂貴人多死者



有謀近期一年中二年遠三年

流星犯抵太微四輔左右執法各以其所中者言其

死以其中命不國出三年

流星縱橫經行太微中主弱臣強四夷不制

流星出太微光照地有聲有立王有失國之君

流星大而赤狀如浮舟數出入天庭有賊臣欲謀

主人主戒出遊

彗孛入太微天子犯后去宮人不安女主憂掃之天

子國亡

彗孛干犯太微天下亂有兵喪大人要之以色占期

亦為死亡

彗孛干歷太微所歷者亡

彗孛如粉絮入太微守帝座國有大喪大臣立天下

亂大兵起有所犯各以宮命之

彗孛出太微天下亂宮中火災兵起大人死國易政

以色占期

凡彗孛干犯占天庭皆為天子革命

雲氣干犯占



太微垣中有雲氣如鳥諸侯謀為天子有中入應者  
赤雲氣出太微兵起一曰有立王  
赤白雲氣出太微宮上如旗有光人主壽昌

青雲起五帝座經出南門者不出九十日人主失其

宮天下安

青氣出左右掖門兵起將憂

青氣如杯椀正圓出太微中天子用璧賜諸侯

青氣出東西掖門兵起將受令

赤氣如彗帚出太微天子宫中財寶出一曰美女出

赤黃氣潤澤入太微中天子有喜事

黃白氣出東西掖門天子出令德

赤黃氣如箕帚出太微中天子以錢物賜美人

赤黃氣潤澤如箕帚入太微中女子有喜

赤黃氣出太微垣中天子以錢物賜諸侯王

黃白氣出太微有立王

黃白氣入獸出太微天子以畜賜諸侯王入之則為

有貢奇獸者

赤氣直指太微帝座左右有內亂兵起天子驚



赤氣入東西掖門內亂兵起

黃白氣入東西掖門天子有喜

黃白氣狀如杯椀正圓入太微有貢璧玉于王者又  
曰幸臣有獻美女者

蒼白氣入太微出東西掖門天子憂喪事出知禍除

白氣入太微宮中兵自外入有喪

蒼白氣入左右掖門內兵起

蒼白氣如人及走獸入太微座天子有憂

蒼白氣如人及走獸入太微座旁有反者

蒼白氣如走獸入抵太微座天子有憂

黑氣入東西門若左右掖門大人憂

白氣若黑風如蛟龍如蛇周章繞太微座而入之臣

而臣弑主

氣上赤下白大如井口從外入壓太微庭者邪臣之

氣旁白而中赤者近臣欲為逆直者貴臣之氣

黃白氣如蛟蛇及龍行在太微宮闕上者有白衣之

會若環繞太微天庭則為逆亂死喪赤黑青氣

同此者皆亂臣讒賊之氣也



雲氣如馬在太微中有奸臣在宮中通外謀

虹入太微有謀者逆視其所視近者占之

漢照帝始元中太白入太微西蕃第一星北出東蕃

第一星北東下去第一者太微天庭也太白行

其宮中門當開大將被甲邪臣誅伏其後將軍

桀栗騎將軍安及長公主燕刺王謀作亂皆伏

誅

哀帝元壽元年十一月歲星入太微逆行犯右執法

占曰大臣憂有執法者誅若有罪二年十月戊

寅高安侯董賢免大司馬歸第自殺王莽地黃

四年秋太白在太微中光燭地如月占曰太白

為兵太微為天庭太白羸而北入太微是大兵

將入天子庭也是時養道兵至昆陽老光所武

破漢將鄧曄進攻京師十月殺莽大兵蹈籍宮

廷之中更始入長常安復敗赤眉立劉盆子為

天子皆以大兵入宮廷其其應也

光武中元二年八月丁巳火犯太微西南角星相去

二寸西南角星為將相後大尉趙熹司徒李訢



坐事免官

順帝永和三年八月己酉熒惑入太微占曰亂臣在廷中其四年祀南效中常侍張達與曹騰等爭權白帝言權反矯詔收之騰等自解說帝悟達自知事不皆乃奔走自刺死

桓帝永壽元年三月丙申填星逆行入太微中七十四日去左掖門七月己未辰星入太微中八十一日去左掖門八月己巳熒惑入太微二十一日出端門占曰太微為天子廷也填星為貴臣

妃后逆行為匿謀辰星入太微為大水又為后宮有憂是歲雒水溢至津門南陽大水熒惑留入太微為亂臣是時深氏專政

靈帝建寧元年六月太白在西方入太微犯西蕃南頭星其八月陳蕃竇武等被害

又熹平五年四月熒惑在太微中守屏星占曰為亂臣是時中常侍趙忠張讓等並為奸惡以傾漢

乍有

晉明帝大寧三年正月熒惑逆行入太微占曰為兵



喪王者惡之閏八月帝崩後二年蘇峻反次焚  
宮室太后以憂逼崩天子幽劫于石頭城遠近  
兵亂至四年乃息  
安帝元興三年正月熒惑逆行犯太微西上相占曰  
天子戰于野上相死是歲劉裕討

桓帝玄劫天子如江凌五月義軍破城之

觀象玩占卷之二十終

觀象玩占卷之二十一

紫微宮垣

總叙

紫微宮垣十五星東西列以衛北極為蕃屏之臣東  
蕃八星西蕃七星在北斗之北太乙之常居土  
工官也一曰長也一曰天宮一曰旗星其南兩  
蕃兩星之間如開門象者謂之闔闔東蕃近闔  
闔門第一星為左樞第二星為上宰第三星為  
少宰第四星為上輔第五星為少輔第六星為



上尉第七星為少尉第八星為少丞西蕃近閭  
闔門第一星為右樞第二星為少尉第三星為  
上輔第四星為少輔五星為上衛第六星為  
少衛第七星為上承垣星欲其均明大小有常  
則吉盛明則臣強不明則臣失職垣直則天子  
自將兵不明則兵起

客星流星彗孛干犯占

紫微宮垣在北極三十六度之內六日月五星所不  
至若有入其中者皆為失行當有易姓改王亂

兵並作之應占之書不具戴者以為非常之變  
也

晉懷帝永嘉末熒惑入紫微宮占者曰當有野死之  
王又為火燒宮中闕其言卒驗此以理推之可  
以類通也

客星出紫微宮中開元占曰天下大亂臣殺主一曰  
天子家有兵喪

客星入紫微宮中宮中有大變兵起主憂  
赤星入紫微垣中天下亂兵入天子之都列大夫多



死者入其旁多亂臣

赤黑星入垣從陽入有客兵期六十日從陰入有走

王

黃星入垣天子得地之喜

客星犯垣有喪以所中命之

客星守垣國易政一曰有不臣之臣

客星入紫微宮黃帝占曰有大喪大起兵將軍有戰

死者期三年石氏曰臣犯主天下多死者又曰

使者來復命也色青黑使者有憂一曰諸侯有

使來以所起言其國以色言其吉凶荊州占曰

使星以入紫微宮匈奴起兵亦為水旱不調陳

卓曰有奇令天下亂

流星赤黃有光入紫微宮為大喪

流星衝紫微宮垣使還未見期三日內

流星從紫微宮闔闔門出者天地之使也視其所適

野當有中使衝命從星所之視其色以占其所

將之事也色青言憂白言義赤言兵黃言土工

若土田事黑言水若死喪事星大則其事大星



小荊州占曰流星自兩門出者天子使也其入則為使入不從門出入者內則后妃諸王外則蕃國使也出入則使出則使入隨色占之海中占曰大流星出紫微垣天子出走不則宮有從室期三年  
奔星入紫微宮天子宮中有亂其出也國去其君彗孛入掃紫微宮若出之皆為除舊布新天子革命有德者昌無德者亡

雲氣干犯占

雲氣狀如雞雛出紫微宮中此子孫之氣也天子有子孫之喜

黃白氣入紫微宮連極星宮中有立侯王

黃白氣潤澤狀如刀劍入紫微宮中御女星上天子

有男子喜狀如簾生女子黃白氣正圓如杯椀入紫微宮中有立侯王一曰天子得璧玉喜一曰有進美者幸臣為之一曰幸臣進美食

赤黃氣潤澤入紫微宮中得寶劍赤氣入紫微宮或戒之然兵入天子庭乙巳占曰內亂有立王白



氣入紫微宮中有大憂出之禍除

蒼白氣如走獸入紫微宮有反者若入反犯諸座天

子惡之

黑氣入紫微宮中有病死喪入紫微兩蕃兵大起紫

微入紫微宮天子亂

黃白氣如旗有光起紫微宮上天子有大喜延年益

壽

赤黑氣若蒼白黃氣赤雜色狀如蛇蛟如龍在紫微

庭中宮闕上者必有白衣之會若徘徊周章環

繞紫微宮而入者則為臣弑主此奸臣亂賊之

氣也與太微宮同占

黃白氣狀類走獸飛鳥或如龍如鳳出入紫微宮天

子有喜

黃白氣如獸出紫微宮天子以畜賜諸侯王者自外

入之則有貢奇獸者

赤黃氣出紫微宮有立王

赤黃氣出紫微宮東西蕃天子用錢賜侯王一曰兵

起



赤黃氣入幕出紫微宮中天子以金錢賜妾妃

赤氣出紫微宮中兵大起

白氣出紫微宮有喪

虹入紫微宮中所起之野有叛逆兵起

漢和帝永元十六年四月丁未紫微宮中生白氣如

粉絮後年帝崩

晉懷帝永嘉三年正月庚子熒惑犯紫微宮占曰當

有野死之王又為火燒宮是時太史令高堂冲

奏乘與宜遷幸不然必洛王五年六月劉曜王

彌入京都焚宮廟執法帝歸安平陽

天市垣

總叙

天市垣二十二星在房星東北一曰天府一曰長城

天子之市也主權衡主聚眾一曰天旗庭天子

之旗幟也主戮之事又曰天市者都市也天下

之所會也石氏曰天市垣二十二星主四方邊

國門左一星宋也次衛次燕次東海次徐次秦

山次齊次河中次九河次趙次魏次中山次河



澗門右一星朝也次楚次巴次深次蜀次秦次  
周次鄭次晉其星芒角搖動而光色異常即為  
其國弱黃帝占曰天市垣星欲其光明潤澤則  
其吉星不明若市中星少皆微歲虛五穀傷糴  
貴大饑石氏曰天市星明則市吏急商人無利  
不明則市吏弱商人多利郝萌曰天市星明大  
明粟賤其中小星多則民富之一曰垣星角芒  
赤色則主之市臣叛

月五星客星流星彗孛干犯占

月入天市大將死國易政一曰有更幣之令海中占  
曰近臣有坐罪者一曰女主憂兵起大臣有戮  
于市者一曰粟貴

月犯天市其所主之地有殃中曰天市大將死  
月暈天市兵起

月乘天市兵大起大將死粟貴  
五星入天市將相有憂黃帝占曰兵大起一曰更弊

乙巳占曰將軍凶一曰五官有憂一曰有赦

歲星入天市巫咸曰諸侯有戮者海中占曰市驚有



易市木守天市石氏曰諸侯相謀國有憂兵起  
郗萌曰五穀大貴乙巳占曰興兵者吉

熒惑入守天市黃帝占曰天下兵起劉洪向範傳曰  
有不忠之臣戮于市者郗萌曰有火灾有徙市  
火入天市勾己環繞之天下惡期十月石氏曰都邑  
有兵其氏曰熒人憂海中占曰天子失廷郗萌  
曰火入天市是謂受穀天下大饑糴大貴荊州  
占曰大將死天下有金錢之徵又曰失有驚亂  
郗萌曰火當天市門而止米貴有倍若入市門

中貴五倍入逆而守之貴十倍天下大饑一曰  
火居天市中民多訟市者

火舍天市有芒角色赤如血三十日不去臣有謀主  
者  
鎮星入天市石氏曰女有憂糴大貴守之石氏曰有  
訟事入市有戮臣留之百日失大將逆行入市  
有驚亂

太白入天市海中占曰國有兵謀將相有戮死者郗  
萌曰米貴春秋火曜鈞曰市驚斧鉞用兵大起



一曰大臣有謀太白入天市而守之相坐之一

太白曰兵起貴人憂

辰星入守天市蠻夷之君死一曰天市驚有更市

客星入天市兵大起大臣誅色黑市吏死青白市吏

死以日入占國石氏曰星入天市聚者皆兵起

郝萌曰市中兵犯外城糴貴居市大貴游市旁

小者亦曰執令者死

赤星入天市天下人多弃市者

黃白星入天市嗇夫不遷即有賜黑星入天市嗇夫

死

白星入天市市中亂

客星犯天市所犯者坐之

客星守天市度量不平天下亂

客星出天市貴人多市死者

流星入天市石氏曰市吏者憂又曰大臣有戮于市

者巫咸曰度量不平執令者死

蒼白星入天市萬物貴

赤星入天市有火災人疾疫



流星入天市而復出死罪復生

彗孛入天市內外豪傑俱起執令者死

彗掃天市徙市易都

彗犯天市地震又以所犯者言之曰

彗孛天市五穀大貴

雲氣干犯占

赤雲氣入天市兵器貢一曰斧鉞用如波揚入市有

大憂

蒼白氣入天市市中疾疫市吏遇賊出則禍除亦為

萬物賤

蒼白氣入天市中萬物賤一曰入之萬物貴出賤萬

物賤

黃白氣入天市有奇物自外入出之市中奇物出又

曰黃白氣入天市市壞畜夫死

赤氣入天市市中有火憂

赤氣出天市兵出弓弩大貴

黃白氣長如二三丈繒垣集天市市中有神奇物出

天子熹



黃白居身時二三火歸時集天市市中自軒音時出

赤居出天市市中自軒音時大貴

赤居入天市市中自軒音時

白黃白居入天市市中自軒音時

黃白居入天市市中自軒音時出入

赤居入天市市中自軒音時

黃白居入天市市中自軒音時

觀象玩占卷之二十一終



